

AITIRE UM CHLAOCHLÚ DIGITEACH FÓGRA FOLÚNTAIS

Gníomhairí sealadacha – feidhmghrúpa AD, grád 7

An bhfuil tú réidh don chéad dúshlán mór eile?

Tá an Fhondúireacht Eorpach Oiliúna (ETF) ag lorg ailtire um chlaochlú digiteach dá hAonad Forbartha Straitéiseach, duine a bheidh i gceannas ar phróiseas athraithe maidir le nuachóiriú ar thimpeallacht dhigiteach an ETF.

Agus idirchaidreamh á dhéanamh agat le bainisteoirí agus obair á déanamh go dlúth agat le comhghleacaithe sa Teicneolaíocht Faisnéise agus Cumarsáide (TFC), beidh tú freagrach as an ailtireacht optamúil a bhaint amach.

Agus tú ag feidhmiú mar ailtire fiontair, áireofar le do phost an bhearna a dhúnadh idir réitigh theicniúla leathana agus an breisluach gnó ar féidir leis a thabhairt chuig an ETF, feabhas a chur ar an mbonneagar reatha TF, oibríochtaí gnó a bharrfheabhsú, agus an treoir agus an cur chuige a shocrú maidir le feidhmchláir agus ríomchláir fhaisnéise a chomhtháthú bunaithe ar straitéis agus treochlár digitíúcháin an ETF.

Más spéis leat an próiseas bainistíochta um athrú digiteach, beidh an deis agat ag an ETF do spéis a fhorbairt i dtimpeallacht ghairmiúil dhúshlánach dhinimiciúil.

Céard é an ETF?

Tá an ETF ina gníomhaireacht AE atá lonnaithe in Turin, an Iodáil. Cabhraíonn ETF le tíortha atá i mbun trasdula agus le tíortha i mbéal forbartha leas a bhaint as acmhainneacht a gcaipitil dhaonna trí athchóiriú a dhéanamh ar chórais oideachais, oiliúna agus mhargadh an tsaothair, i gcomhthéacs bheartais chaidreamh seachtrach an Aontais Eorpaigh.

Tacaímid le tíortha a bhfuil teorainn acu leis an Aontas Eorpach chun feabhas a chur ar a gcórais ghairmoideachais agus ghairmoiliúna, chun anailís a dhéanamh ar riachtanais scileanna agus chun a margaí saothair a fhorbairt. Tríd an méid sin a dhéanamh, cabhraímid leo comhtháthú sóisialta a fheabhsú agus fás geilleagrach níos inbhuanaithe a bhaint amach, a théann chun tairbhe na mBallstát agus a gcuid saoránach trí chaidreamh eacnamaíoch a fheabhsú.

Céard atá á thairiscint againn?

Cineál conartha: Gníomhaire sealadach – Feidhmghrúpa AD, grád 7

Fad an chonartha: Trí bliana, nach mbeidh in-athnuaite ach uair amháin go ceann trí bliana – faoi réir thréimhse phromhaidh

Gnáth-thuarastal: d'fhostaí aonair, a bhfuil níos lú ná naoi mbliana de thaithí ghairmiúil ábhartha acu: thart ar EUR 4 580 glan sa mhí – nó fostaí a bhfuil níos lú ná 9 mbliana de thaithí ghairmiúil ábhartha acu, liúntais easaoránachta agus leanbh cleithiúnach amháin: thart ar EUR 6 500 glan sa mhí.

Próifíl an phoist: príomhchuntasacht agus cúraimí

Beidh **an t-aitire um chlaochlú digiteach** ag obair go dlúth leis na baill foirne TFC. Forbróidh sé/sí caidreamh táirgiúil agus comhoibritheach le bainisteoirí ar fud na gníomhaireachta. Beidh sé/sí an-eagraithe. Beidh cumas maith éisteachta agus cumarsáide aige/aici. Beidh sé/sí ina (h)oibrí foirne neamhchlaonta, díograiseach, réamhghníomhach agus dírithe ar sheirbhís.

Beidh **an t-aitire um chlaochlú digiteach** freagrach as pleanáil acmhainní, bainistiú, faireachán, tuairisciú chuig lucht bainistíochta ETF, comhordú tionscadal agus gníomhaíochtaí chun claochlú digiteach a ghnóthú i gcomhréir le straitéis dhigiteach an ETF, agus é/í ag cloí le rialacha d'institiúid AE.

I dteannta leis an méid thuas, déanfaidh **an t-aitire um chlaochlú digiteach** an méid seo a leanas go sonrach:

- samhail agus comhpháirteanna a shainiú agus a fhorbairt, ailtireacht fiontair hibrídeach an ETF a chur in iúl agus a chothabháil.
- tuiscint a fháil ar ghníomhaíochtaí agus riachtanais oibríochtúla an ETF d'fhonn éilimh ghnó amach anseo a réamh-mheas agus pleanáil don chaoi ina gcumasófar iad leis an ailtireacht
- treoir a thabhairt chun deireadh a chur de réir a chéile leis na córais oidhreachta, na feidhmiúlachtaí sin a chomhtháthú agus cinn nua a chur leo ar fud gach córas - amhail síniú isteach aonair, feidhm chuardaigh thar fheidhmchláir agus ascnamh iomlán chuig an néal
- prionsabail a shocrú chun forbairt TF amach anseo a threorú, agus ilroinnt an tírdhreacha TF reatha a laghdú
- a bheith i gceannas ar bhainistíocht an athraithe sa réimse um chlaochlú digiteach, trí chumarsáid a dhéanamh go sonrach leis an bhfoireann, a n-éilimh fhorbartha a shainiú agus réitigh a mholadh
- Timpeallach shlán a áirithiú i dteannta leis an oifigeach cibearshlándála i ndlúthchomhar le CERT-EU.
- “príobháideachas de réir dearaidh” agus “príobháideachas de réir réamhshocraithe” na gcóras a áirithiú, ag obair i ndlúthchomhar leis an oifigeach cosanta sonraí.

Ní bheidh an t-aitire um chlaochlú digiteach ag taisteal ach ó am go ham.

Critéir Incháilitheachta

D'fhonn a bheith incháilithe, ní mór duit na riachtanais seo a leanas a shásamh ar an dáta deiridh a nglacfar le hiarratais:

- 1 A bheith i do náisiúnach de cheann de Bhallstáit den Aontas Eorpach
- 2 Cearta iomlána mar shaoránach a bheith agat
- 3 Aon oibleagáidí arna bhforchur ag an dlí a bhaineann le seirbhís mhíleata a bheith comhlíonta agat
- 4 A bheith corpacmhainneach chun na dualgais a bhaineann leis an bpost a chomhlíonadh
- 5 Leibhéal oideachais arb ionann é agus ceithre bliana ar a laghad de staidéar ollscoile críochnaithe arna fhiánu le dioplóma a bheith agat, agus taithí ghairmiúil chúí dhá bhliain déag ar a laghad a ghnóthaíodh ina dhiaidh sin

nó

Leibhéal oideachais arb ionann é agus trí bliana ar a laghad de staidéar ollscoile críochnaithe arna fhianú le dioplóma a bheith agat, agus taithí ghairmiúil chuí trí bliana déag ar a laghad a gnóthaíodh ina dhiaidh sin.

Ní fhéadfar ach dioplómaí a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin a bhreithniú.

- 6 Eolas críochnúil (leibhéal C1 i ngach gné den Chomhchreat Tagartha na hEorpa um Theangacha (CEFRL)) i gceann de theangacha an Aontais agus eolas sásúil (leibhéal B2 i ngach gné de réir CEFRL) i dteanga eile de chuid an Aontais, a mhéid is gá chun na dualgais a chomhlíonadh.

Critéir Roghnúcháin

Ba cheart go mbeadh na nithe seo a leanas ag iarrthóirí:

Taithí ghairmiúil

- íosmhéid sé bliana - le deich mbliana anuas - de thaithí ghairmiúil sa réimse um chlaochlú digiteach, de réir na “próifíle poist: eochairfhreagracht agus tascanna”
- mar chuid den taithí sé bliana sa réimse um chlaochlú digiteach: dhá bhliain ar a laghad de thaithí san ailtireacht fiontair

Eochairscileanna teicniúla

- sár-scileanna sa chlaochlú digiteach
- sár-scileanna san ailtireacht fiontair
- sár-scileanna sa bhonneagar agus sna seirbhísí néalbhunaithe
- scileanna maithe sa bhainistiú athruithe
- scileanna maithe sa bhainistiú tionscadal
- Béarla: leibhéal C1 i ngach gné de réir CEFRL

Scileanna boga an-mhaith sna nithe a leanas

- comhoibriú
- féineagrú
- cumarsáid labhartha agus scríofa
- caidreamh comhoibritheach a chothú
- solúbthacht

Buanna

- taithí san anailís ar shonraí agus in úsáid córas trádstórais sonraí
- taithí le Microsoft 365

Iarratais a chur isteach

Is é **an dáta deiridh** chun iarratais a chur isteach ná **5 Deireadh Fómhair 2020 ar 23.59 (Am Torino)**.

Tugtar cuireadh duit d'iarratas a sheoladh chugainn trí shuíomh gréasáin ETF, faoi na rannóga “maidir le” agus ansin “earcaíocht”.

Moltar go mór duit gan fanacht go dtí an lá deiridh chun d'iarratas a chur isteach mar go bhféadfadh trácht trom idirlín nó fabht sa nasc idirlín a bheith mar bhonn le deacrachtaí nuair a bheifear ag cur iarratais isteach. Ní féidir glacadh leis go bhfuil ETF freagrach as aon mhoill ar d'iarratas mar gheall ar dheacrachtaí den sórt sin.

Ceanglais fhoirmiúla

Ní mór duit **na doiciméid go léir** a luaitear thíos a chur ar fáil, **faoin dáta deiridh**, i mBéarla go hinmhianaithe:

- litir chumhdaigh uasmhéid aon leathanaigh, ag míniú cén fáth a bhfuil spéis agat sa phost/sna poist
- curriculum vitae ag baint úsáide as formáid CV Europass
- foirm chomhlánaithe na gcritéar roghnúcháin

Tabhair do d'aire, nach nglacfar ach le hiarratais a cuireadh isteach ar líne trí shuíomh gréasáin ETF, i gcomhréir leis na ceanglais fhoirmiúla a luaitear thuas, don chéim roghnúcháin.

Roghnúchán

Tá trí chéim chomhleanúnacha i gceist sa chéim roghnúcháin:

Céim 1 – Iarratais a scagadh

1.1 Incháilitheacht

Déanfaidh Aonad Acmhainní Daonna ETF gach iarratas a athbheithniú. Ní théann ach na hiarratais a chomhlíonann na critéir incháilitheachta agus na ceanglais fhoirmiúla ar fad ar aghaidh go dtí an chéad chéim eile.

1.2 Roghnúchán le haghaidh agallamh agus trialacha scríofa

Ar bhonn na faisnéise a chuirtear ar fáil sa curriculum vitae agus san fhoirm critéar roghnúcháin, déanfaidh an bord measúnú ar na hiarratais i gcoinne na taithí gairmiúla, na scileanna teicniúla agus na mbuanna riachtanacha. Tabharfar cuireadh do na hiarrthóirí a chuireann isteach na hiarratais is oiriúnaí chun freastal ar agallamh agus ar thrialacha scríofa. Táthar ag súil go dtabharfar cuireadh do thart ar chúigear iarrthóirí.

Tá ETF ag súil le líon mór iarratas. Mar thoradh air sin, ní dhéanfaidh Aonad Acmhainní Daonna ETF teagmháil ach amháin leis na hiarrthóirí a chuirfear ar ghearrliosta. Meastar go dtarlóidh an chéim sin i mí **Dheireadh Fómhair 2020**.

Céim 2 – Agallaimh agus trialacha scríofa

Déanfaidh an bord measúnú ar thaithí ghairmiúil agus ar scileanna na n-iarrthóirí atá riachtanach don phost agus do Ghníomhairí Sealadacha AE trí agallamh agus trialacha scríofa. Déanfar meastóireacht gan ainm ar chuid amháin den triail ar a laghad. Reáchtálfar na hagallaimh agus na trialacha scríofa i mBéarla go príomha.

Tar éis na céime sin, cuirfidh an bord liosta iarrthóirí ar aghaidh chuig Stiúrthóir ETF a mheastar gurb iadsan is fearr a thagann leis na critéir roghnúcháin - tar éis dóibh:

- 70% de na pointí leithdháilte le haghaidh scileanna boga a ghnóthú, agus
- 70% de na pointí leithdháilte le haghaidh scileanna teicniúla agus taithe ghairmiúil ábhartha a ghnóthú

Meastar go dtarlóidh an chéim sin i mí [na Samhna 2020](#). Mar sin féin, d'fhéadfadh an dáta sin a athrú mar gheall ar chúrsaí sláinte reatha nó d'fhéadfaí é a eagrú go cianda.

Céim 3 – Ceapachán

Agus moladh an bhoird á thabhairt san áireamh, ceapfaidh Stiúrthóir ETF an t-iarrthóir is oiriúnaí. Táthar ag súil go rachaidh an t-iarrthóir rathúil i mbun dualgas i mí [Eanáir 2021](#).

Féadfaidh an Stiúrthóir cinneadh a dhéanamh freisin liosta d'iarrthóirí eile a d'fhéadfadh a bheith oiriúnach a bhunú. Beidh an liosta bailí go dtí 31 Nollaig 2021. Féadfar an tréimhse bhailíochta sin a fhadú le cinneadh ón Stiúrthóir. Ní ráthaíonn cuimsiú ar an liosta tairiscint poist.

Sa chás go dtagann folúntas poist aníos nó gur gá post a chlúdach, féadfaidh an Stiúrthóir post a thairiscint d'iarrthóir ar an liosta is fearr a oireann a p(h)róifíl do riachtanais ETF an tráth sin.

Obair an bhoird

Tá obair agus plé an bhoird faoi rún daingean agus ní cheadaítear aon teagmháil lena chomhaltaí. Is éard atá i gceist le teagmháil a dhéanamh leo go ndícháileofar iarrthóirí ón nós imeachta.

Coinníollacha Conartha

Conradh fostaíochta

Bainfidh achar seasta trí bliana leis an gconradh fostaíochta, agus beidh sé in-athnuaite uair amháin go ceann tréimhse sheasta suas le trí bliana.

Tá sé faoi réir tréimhse phromhaidh naoi mí.

Tá conarthaí na ngníomhairí sealadacha i gcomhréir le hairteagal 2(f) de Choinníollacha Fostaíochta Sheirbhísigh Eile (CEOS) an Aontais Eorpaigh.

Má tá conradh do ghníomhaire Sealadach 2(f) ag an iarrthóir a n-éireoidh leis/léi faoi láthair agus má cháilíonn sé/sí d'aistriú faoi théarmaí CEOS, beidh an bandaleithead don phost seo ar féidir freastal air i gcomhréir le hlarscríbhinn I de na Rialacháin Foirne.

Faoin gcineál conartha seo, tá an fostaí faoi cheangal ag CEOS agus ag na Rialacha Feidhmithe cuí.

Ní bheidh ETF faoi cheangal leis an gconradh fostaíochta arna thairiscint ach amháin sa chás go mbeidh na nithe a leanas déanta ag an iarrthóir rathúil sula síneofar an conradh:

- bunchóipeanna nó cóipeanna deimhnithe a bheith curtha ar fáil aige nó aici de gach doiciméad ábhartha lena ndeimhnítear a (h)incháilitheacht, lena n-áirítear taifead coiriúil glan
- scrúdú dochtúra éigeantach a bheith déanta aige/aici lena ndearbhaítear go gcomhlíonann sé/sí an caighdeán corpacmhainneachta is gá chun na dualgais lena mbaineann a chomhlíonadh
- ETF a bheith curtha ar an eolas aige/aici faoi aon choinbhleacht leasa atá ann nó a d'fhéadfadh a bheith ann agus gur measadh nach bhfuil aon leas pearsanta aige ná aici a chuirfeadh as dá neamhspleáchas, ná aon choinbhleacht leasa eile.

Tuarastal agus sochair

Ag brath ar a staid phearsanta, d'fhéadfadh baill foirne a bheith i dteideal liúntas éagsúil amhail liúntas easaoránachta, liúntas teaghlaigh, liúntas linbh chleithiúnaigh, liúntas oideachais, etc. Tá an tuarastal faoi réir cháin an Chomhphobail, rud a asbhaintear ag an bhfoinse agus tá baill foirne díolmhaithe ó chánachas náisiúnta.

Eolas breise

Ní thabharfar na doiciméid a chuirtear ar fáil le linn an nós imeachta ar ais d'iarrthóirí. Ina ionad sin, coinneofar ar comhad iad in ETF don tréimhse is gá agus scriosfar iad ina dhiaidh sin.

Beidh feidhm ag reachtaíocht an Aontais Eorpaigh um chosaint sonraí pearsanta agus rúndacht faisnéise maidir leis na sonraí pearsanta ar fad a bhailítear le haghaidh an phróisis seo.

Tá tuilleadh eolais le fáil sa [ráiteas príobháideachais](#) ar shuíomh gréasáin ETF.

Iarrthóirí a mheasann go ndearnadh dochar dá leasanna le cinneadh a bhaineann leis an nós imeachta roghnúcháin, féadfaidh siad gearán a dhéanamh trí na [treoracha](#) atá ar fáil ar shuíomh gréasáin ETF a leanúint.